



# Daifim

An Official Organ of YMA, Khuangpuilam Branch.


Vol - VII   Issue No. - 40      Phek 2-na      - Khuangchawi thla      - 3<sup>rd</sup> Octoberber, 2021 (Pathianni)

## YMA MOTTO



Hunawl hman that  
Zofate hmasawnna ngaihtuah  
Kristian nundan tha ngaihsan

Khawchin : Source - Accuweather.com



Ruah sur rin a ni.  
Temp - Max: 28°C Min: 23°C  
Dar 4:51-ah ni a chhuak ang a,  
Tlai Dar 5:45-ah a tla leh ang.

*Tunkar chang vawn : Thufingte  
16:3 “ I hnate chu Lalpa kawltir  
rawh ; Tichuan, i thil ruahmante  
chu tihnghehin a awm ang”.*

### TUALCHHUNG CHANCHIN

☛ Ni 1/10/2021 (Zirtawpni)  
khan Ministry of Ayush, Govt of  
India kal tlangin Covis-19 hri laka  
kan lo him tlan zel nan Covid-19  
Immunity Booster chu NR Hall  
kawtah Khuangpuilam mipui tan  
sem chhuahna neih a ni a.  
Khuangpuilam mipui thahnem  
takin he Immunity Booster hi an  
dawng a ni.

#### YMA LEH VC TEN MEETING NEI

Ni 2nd Oct, 21 (Inrinnni) zan dar  
7:30 Pm khan NR Hall ah VC leh  
YMA Join meeting neih a ni a.  
Mitthi vui chungchang leh Faina  
Hapta chungchang rel a ni.

**Mithi vui chungchang :**  
Mithi vui chungchang sawiho a  
ni a, mitthi vui hun bik hi a tun  
hma a kan kal dan pangngai  
(Veng chungah mitthi an awma  
lumen a nih chuan, vui hun  
chhun dar 12:00 PM a ni ang a,  
lumen a nih loh erawh chuan dar  
1:00 PM a ni ang. Zing dar 9:00  
AM hma lama thite chu a ni la la  
a vui/inphum tur a ni ang a, dar  
9:00 AM hnu lama thite chu lu-  
men tur a ni ang. District pawn  
atanga dar 12:00 PM hmaa ruang  
rawn thleng hman chu a ni-ah vui  
tur a ni ang a, dar 12:00 PM  
hnua mi chu lumen tur a ni ang)  
Sorkar SOP zawm chungin kal leh  
tawh se tih a ni. A bak zawng  
(heng khawhar in lenpui leh thlan  
laih dan) chu tuna kan tih dan  
pangngai in la kalpui rih nise tih  
a ni.

**Hnatlang :** Nilaini khian  
Faina Hapta denchhenin VC  
huaihawt in vengchhung tihfai  
hnatlang koh nise tih a ni a,  
hnatlang phatna hi cheng Rs. 200  
nise tih a ni a, ÷ldang leh  
pawimawhte chu VC ten lo  
ruahman mai se tih a ni bawk.

## ‘FAINA - KAN IN LEH A CHHEH VEL ATANGIN’ TIH THUPUI HMANGIN KOLASIBAH ‘FAINA HAPTA 2021’ HAWN A NI

**Khuangpuilam the 3rd October 2021:** Ni 2/10/2021 zing khan  
Venglai YMA Park, Kolasibah ‘Faina – Kan In leh a Chheh vel Atangin’  
tih thupui hmang a ‘Faina Hapta 2021’ chu Dr.H.Lalthlanglana,  
Deputy Commissioner chuan a hawng a. ‘Azadi Ka Amrit Mahotsav’  
pual a Kolasib khaw chhunga faina kawnga inelna hrang hrang  
kalpuina a ti ÷ha thlan chhuahte hnenah lawmman hlanna leh UD&PA  
department, Kolasib hnuai a khaw chhung thenfaina kawnga  
thawktute zawng zawng chawimawina hun neih nghal a ni.

Khuallian Dr.H.Lalthlanglana chuan ‘Faina Hapta’ kalpui  
chhung atan ringawt a fai tum lovin, engtik lai pawh a faina chu  
ngaih pawimawh tur a nih thu a sawi a. Fai tur a hnatlang koh kher  
ngai lovin mahni in leh a vel ÷heuh enkawl fai a nih chuan veng pum  
faina a thlen mai ÷hin thu a sawi a ni. Bawlhhlawh zinga sawngbawl  
hautak ber chu plastic a nih thu leh ram leilung a tih chhiat nasat  
theih dan tarlangin Dr.H.Lalthlanglana chuan plastic hman tlem a  
÷ul zia leh hman nawn theih chi chauh hmang tur a inzirtir a pawimawh  
thu a sawi bawk a ni.

‘Faina Hapta 2021’ kalpui dan tur leh faina kawnga UD&PA  
Department hmalak dan sawi zauna hun Pu Gaston Vanlahhriatpuia,  
District Urban Development Officer, Kolasib chuan hmangin  
Mizoramah ‘Faina Hapta’ vawi 45 hmanna a nih thu a sawi a Swachh  
Bharat Mission (SBM) kum 7 tlinna a nih thu a sawi bawk a ni. Solid  
Waste Management Centre, Kolasib ÷angkai tak a hman a nih theih  
nan intin a÷angin bawlhhlawh thliar hran ngai pawimawh turin  
kalkhawmte a chah a, Faina Thutiam lakna hun a hmang bawk a ni.

Faina Hapta 2021 hawnna hun hi Pu ST Lalhmingmawia, DLAO,  
Kolasibin kaihruiain khawlai phiah faina hun neih nghal a ni.


Lawmman sem chhuahte;  
Best Performing Male Sanitation Worker – Laltlankima, Hmar Veng  
Best Performing Female Sanitation Worker – Zosangzuali, Tuithaveng

Waste to Art Exhibition lawmman latute:

1. Daisy Ramluahpuii, College Veng – 1st Prize
2. Laldinpuii, Vengthar – 2nd Prize
3. Remlengthangi, Diakkawn – 3rd Prize

Consolation Prize:

1. R. Lalmuanawmi, Thingdawl
2. Zothanmawii, Venglai



**YMA chu ÷anpui ngaite ÷anpuitu a ni. – YMA Kumpuan : Zirna uar**

### Editorial Board :

Represent: *Nl Florence Zoremsangi*  
Editor: *Pu Lalsiamkima*  
Jt. Editor: *Ricky MS Dawngzela*  
Treasurer: *Nl Thanghmingliani*  
Cir.Manager: *Tv. Samuel Lalpekhlua*  
Contact No: 9612761781 / 9612691291  
9862501858 / 8575946381

FLS Station - 9862385193/9862327112

#### Chawngbawla Section

Leader : Tv R.Lalnuntluanga  
82599 60032

Secretary : Pu Samuel Lalremruata  
9862094257

#### Vanapa Section

Leader : Pu Lalchuaailova  
87300 99599

Secretary : Tv. Lallawmzuala  
87875 41803

#### Khuangchera Section

Leader : Pu Lalramzaua  
76408 95924

Secretary : Tv Lalremruata  
7005131514

### Editorial.....✍

#### FAINA

Faina kan han tih hian Khawtlang, vantlang, mahni in leh a vel, taksa leh rilru thlengin a thupui hian a huam thei awm e. Faina hi mi changkang apiangin an ngai pawimawh a, veng leh khaw changkang apiangin an ngai pawimawh thin a ni.

Khawvel changkang chho zelah mihring te mamawh pawh a lo sang zel a, mamawh a pun rualin kan thli leh bawhlhlawh te pawh buaipui tham khawpa tam a lo ni ta. Heng bawhlhlawh leh thli te hi a paihna tur hmuna paih leh luntir anih chuan buaipui vak ngai a ni chuang lo. Mahse a awmna tur hmun ni loa awm a tam avangin hian kan buaipui a ngaih phah ta a ni.

Fai tehna hi khawvel hmun hrang hrangah a in ang hauh lo! Chutiengin kan chawr chhuahna a inan loh avangin fai kan tehna pawh a in ang lo thluah thei baw. Chipchiar zawka han ngaihtuah chuan Mizote rilruah leh tun dinhmunah chuan a la tla na teh chiam lo niin a lang.

Faina hi kan nuna a beh tawh chuan enkawl a hahdam, kan nun nen a inzawm loh erawh chuan buaipui reng ngai a ni thung. Naktukah pawh, kar lehah pawh, thla lehah pawh, nakumah pawh kan fai a, tun aia kan fai chhoh zel theihna tur atan faina chungchang inzirtir uar ila. Bal hi a balh laklawh tawh chuan a bal reng mai a. Chutiang baw in Faina hi a kal laklawh tawh chuan a fai reng mai dawn a ni.

### Branch YMA Office Bearer

<b>President</b> Pu HD Daniela 9863212083	<b>Secretary</b> Pu Lalremsiama Varte 9862327112	<b>Treasurer</b> Pu David lalrosanga 9436158962
<b>Vice President</b> Pu S. Lalthangliana 89748 30454	<b>Assistant Secretary</b> Nl. Florence Zoremsangi 9612761781	<b>Financial Secretary</b> Pu Rotlingpuia 9862385193

### CENTRAL YMA

#### OFFICE ORDER

Mizoram Sawrkarin 4.10.2021 atanga hman tan turin Office kai leh ban hunchhung a tih danglam tak avangin, Central YMA Office, Central YMA Press leh Sub-Hrs. YMA Office zawng zawng pawh ni 4.10.2021 atang hian a hnuai a mi ang hian hawn leh khar a ni ang.

Office tan hun : Zing Dar 9:00  
Office ban hun : Tlai Dar 4:00


Sd/- Prof. LALNUNTLUANGA  
General Secretary,  
Central YMA.

### RT-PCR Lab. DIN BELH TURIN NGEN - CYMA

Central YMA chuan, Covid-19 hripui vei leh vei lo hriat zung zung an nih theih nan RT-PCR laboratory a tam thei ang ber din belh tur leh chak taka hma la turin Mizoram sorkar an ngen. CYMA CEC chuan Rapid Antigen Test hmanga endik zingah result dik lo a tam thu leh Mizoram tan a him loh thu meetingah an sawi lang. September 25, Inrinnia YMA, Central Executive Committee member-te CYMA Committee Room-a thukhawm chuan thuchhuah siamin, hripui leng mek avanga harsatna awm mek leh hripui vanga thi an pung zel chu pawh an ti a, lusun chhungte an tawrhpuithu an tarlang. CYMA thuchhuah chuan, "Hripui kai leh kai lote hriat chhuah zung zung an nih theih nan YMA CEC chuan RT-PCR laboratory tam thei ang ber din belh a nih theihnan Mizoram sorkar chu chak taka hma la turin a ngen a ni," a ti.

CYMA hruaitute hnen atanga thu dawn danin, CEC thutkhawmah hian Mizorama swab sample endikna atana hman tam ber Rapid Antigen Test hmanga sample endik zingah result dik lo a tam thu te, Covid positive si, negative anga hmuh an awm avanga a huna enkawl na dawng hman lo, thi zui ta an awm nuala an hriat thute an sawi. avangin tuna Mizorama RT-PCR laboratory pakhat chauh a awm chu a tawk loa an ngaih thute an sawi baw.

High Court thupek kal zela Lunglei Zotlanga Tourist Lodge-a RT-PCR khawl bun tum chu bawhzui zel niin, Tourist Lodge building thawm that hna thawh mek a ni a; hna thawktute chu YMA Sub-Hqrs, Lunglei hruaitute'n an vil thin. RT-PCR khawl hi kumin October thla chhungin peih hman tuma hna thawh mek a ni a; YMA Sub-hqrs pawhin October thla chhung ngeia hman theiha RT-PCR lab. chu peih turin sorkar an lo phut tawh baw a ni. Hetih lai hian, Civil Hospital, Lungleia RT-PCR laboratory dinna tur in thar sak tura tih chu buaipui mek a ni baw a; tun dinhmunah a ban phunna tur lei laih mek niin, an la lai zo lo nia thu dawn a ni.



COVID -19 MIZORAM STATISTICS					
Date : October 02, 2021 (5:00 PM)					
		Male		Female	
		47,596		48,860	
Sl. No	DISTRICT (Administrative District as per ICMR, Uda)	No. of Active Cases	No. of Discharged	No. of Deaths	TOTAL CASES (Cumulative)
1	Aizawl	10233	50747	235	61215
2	Lunglei	903	6079	18	7090
3	Sihaia	1040	3144	4	4188
4	Champhai	1162	2389	2	3553
5	Kolasib	412	6592	24	7028
6	Serchhip	544	1882	4	2430
7	Lawnuillai	592	5150	21	5763
8	Mamit	295	3427	5	3727
9	Khawzawl	47	554	0	601
10	Hnahthial	131	434	1	566
11	Saitual	33	290	2	325
STATE TOTAL		15,452	80,688	316	96,456

Source : IDSP Issued by Department of Information & Public Relations, Govt. of Mizoram

I tih loh tawp tur thil chu a tuka tihah khêk zel rawh.